

## 2 SAN PEDRO

### *Pedro Jesúre bɥremurãrẽ gojadea*

<sup>1</sup> Yɥ Simón Pedro, Jesucristore moãboegɥ, ĩgũ buedoregɥ pídi, mɥsãrẽ i pũrẽ gojáa. Marĩ Opɥ Jesucristo marĩrẽ taugɥ diayemarẽ irigɥ ããrĩmi. Irasirigɥ Marĩpɥ Jesucristo merã gɥare iriderosũta mɥsãdere ĩgũrẽ bɥremumakũ iridi ããrĩmi. Marĩ Jesucristore bɥremurĩ opamakũ õãtaria.

<sup>2</sup> Mɥsã Marĩpɥre, irasũ ããrĩmakũ marĩ Opɥ Jesúre masĩa. Irasirigɥ Marĩpɥ ĩgũ mɥsãrẽ õãrõ iritamurĩrẽ, ĩgũ mɥsãrẽ siñajãrĩ sĩrĩrẽ masĩnemomakũ iriburo.

### *Jesucristoyarã ãsũ ããrĩma, ãrĩ gojadea*

<sup>3</sup> Marĩpɥ marĩrẽ ĩgũrẽ masĩmakũ iridi ããrĩmi. Irasirigɥ ĩgũ turari merã marĩrẽ ããrĩpereri õãrĩrẽ sĩdi ããrĩmi ĩgũ merã õãrõ ããrĩ, ĩgũ gããmerĩrẽ iriburo, ãrĩgũ. ĩgũ õãtarigɥ, ããrĩpereri õãrõ irigɥ marĩrẽ siiudi ããrĩmi, ĩgũyarã ããrĩdoregɥ.

<sup>4</sup> ĩgũ õãgũ, õãrõ irigɥ ããrĩsĩã, marĩrẽ: “Yɥ turari merã mɥsãrẽ wãri õãtaririre irigɥra”, ãrĩdi ããrĩmi. Irasirigɥ ĩgũ ãrĩderosũta marĩrẽ yãmi, ĩgũ irirosũ õãrĩrẽ iriburo, ãrĩgũ. Marĩrẽ i ãmɥma ñerĩrẽ ɥaribejarire piriburo, ãrĩgũ, irasirimi.

<sup>5</sup> ĩgũ marĩrẽ irasirimakũ ĩãrã, mɥsã Jesúre bɥremurã ããrĩpereri mɥsã turari merã ire irinemoka! Õãrĩ irika! Õãrĩ irirã, õãrõ pémasĩrĩ merã irika!

6 Pémasĩrĩ merã irirã, musã ñerõ iriduarire iribirikõaka! Ñerõ iriduarire irimerã ñerõ tarikererã, Marĩpũre gũñaturaníkõaka! Irasũ gũñaturanírã, Marĩpũre bũremurĩ merã ĩgũ gããmerĩrẽ iririkũka!

7 ĩgũ gããmerĩrẽ iririkũrã, sugũ pũrã irirosũ musã basi gãme iritamuka! Gãme iritamurã ããrĩpererã gajirãdere maĩ bũremuka!

8 Musã irasiriwãgãrã, õãrõ irirãkoa. Irasirirã marĩ Opũ Jesucristore masĩrã, ĩgũ gããmerĩrẽ õãrõ irinírãkoa. Ubu ããrĩrĩrẽ iribirikoa.

9 Sugũ õãrõ iriwãgãbi gapũ koye ĩãbi, o koye õãrõ ĩãjabi ĩgũ waaburire masĩbi irirosũ ããrĩmi. Marĩpũyare masĩbi: “Ĩgũyare iriro gããmea”, ãrĩ gũñabemi. ĩgũ ñerõ iridea wajare Marĩpũ koebéodeare gũñabemi.

10 Yaarã, ire péka! Marĩpũ musãrẽ siiu, beyedi ããrĩmĩ, ĩgũyarã ããrĩburo, ãrĩgũ. Irasirirã ĩgũyarã ããrĩsĩã, ĩgũ gããmerĩrẽ neõ piriro marĩrõ merã iriduarã ããrĩka! Irasiriduarã, ĩgũyarã ããrĩmerã ñerĩrẽ iririkũrã irirosũ neõ ããrĩbirikoa.

11 Marĩpũ ĩgũ gããmerĩrẽ marĩ irimakũ ĩãgũ, marĩ Opũ marĩrẽ taugũ Jesucristo ĩgũyarãrẽ perebiri dorerogue marĩrẽ õãrõ bokatĩrĩñeã: “Õõ, yũ merã õãrõ ããrĩnĩkõaka!” ãrĩ ñajãdoregukumi.

12 Musã yũ wererire masĩsiãã. Irasũ ããrĩmakũ, diayema ããrĩrĩrẽ musã pédeare piriro marĩrõ õãrõ yãã. Musã irire masĩkeremakũ, yũ wererire kãtiri, ãrĩgũ, gũñanimakũ irigura.

13-14 Marĩ Opũ Jesucristo yũre: “Mérõgã duyãã mũ boaburo”, ãrĩ weresiãmi. Irasirigũ yũ okaro ejatuario musãrẽ: “Ãsũ irika!” ãrĩ weredeare musãrẽ gũñamakũ irigũra. “Irasiriro gããmekoa

yure”, arī gūñáa.

<sup>15</sup> Irasirig<sub>u</sub> y<sub>u</sub> boadero p<sub>u</sub>r<sub>u</sub>, y<sub>u</sub> weredeare neõ kätibirikõáburo, ārīgū, āārīpereri y<sub>u</sub> irid<sub>u</sub>aropa merā m<sub>u</sub>sārē irire gojapíg<sub>u</sub>ra.

*G<sub>u</sub>a Jesucristo ĭg<sub>u</sub> turag<sub>u</sub> āārīrē ĭāb<sub>u</sub>, ārī gojadea*

<sup>16</sup> G<sub>u</sub>a marī Op<sub>u</sub> Jesucristo turarire, irasū āārīmakū ĭg<sub>u</sub> dupaturi i ũm<sub>u</sub>gue aariburire m<sub>u</sub>sārē weresiab<sub>u</sub>. Irire wererā, sug<sub>u</sub> masak<sub>u</sub> ĭg<sub>u</sub> gāāmerõ gūñaboka weredeare wererā meta irib<sub>u</sub>. G<sub>u</sub>a basi ĭg<sub>u</sub> turag<sub>u</sub> āārīrē ĭāb<sub>u</sub>. Irasirirā ire m<sub>u</sub>sārē wereb<sub>u</sub>.

<sup>17</sup> Marīp<sub>u</sub> āārīnīgū Jesucristo turatarig<sub>u</sub>, gosirig<sub>u</sub> āārīrē g<sub>u</sub>are ĩmumakū ĭāb<sub>u</sub>. Irire ĩmugū, ũm<sub>u</sub>gasigue merā āsū ārī wereními: “ĭi y<sub>u</sub> magū, y<sub>u</sub> maĭgū āārīmi. ĭg<sub>u</sub> merā b<sub>u</sub>ro <sub>u</sub>suyáa”, ārīmi.

<sup>18</sup> Ūm<sub>u</sub>gasigue merā irasū ārī werenírē pérā, ũtā<sub>u</sub> wekague marī Op<sub>u</sub> Jesús merā āārīb<sub>u</sub>. Irig<sub>u</sub>gue āārīgúta ũm<sub>u</sub>gasiguema gosesiriri merā ĭg<sub>u</sub> deyomakū ĭāb<sub>u</sub>.

<sup>19</sup> G<sub>u</sub>a irire ĭānerā āārīsīā: “Marīp<sub>u</sub>ya kerere weredupiyunerā gojadea diayeta āārā”, ārī masīa. Irasirirā m<sub>u</sub>sā ĭg<sub>u</sub>sā gojadeare õārõ péka! ĭg<sub>u</sub>sā gojadea m<sub>u</sub>sārē sīāgodiru irirosū āārā. Naĭtīārõgue sīāgodiru merā marī waarõre sīāgowāgārā irirosū ĭg<sub>u</sub>sā gojadea merā Marīp<sub>u</sub>ya masīa. Irasirirā Jesucristo dupaturi aarimakūguedere irire bueníkõāka! ĭg<sub>u</sub> neñukām<sub>u</sub> boyodiru õārõ boyoro irirosū āārīgú, marīrē maama ũm<sub>u</sub>rē píbu āārīmi. Irasirig<sub>u</sub> aarigú, marīrē Marīp<sub>u</sub>ya masībirideare õārõ masīmakū irig<sub>u</sub>kumi.

20 I gapure masĩpurorika! Marĩpuya kerere weredupiyunerã ĩgũya werenĩĩ gojadea pũgue ĩgũyare gojarã, ĩgũsã masĩrĩ merã ĩgũsã basi gũñarĩ merã gojarã meta irinerã ããrĩmã.

21 ĩgũsã Marĩpuya kerere weredupiyudea, ĩgũsã gããmerõ ĩgũsã gũñarĩ merã werede meta ããrã. I ĩgũsã weredupiyudea, Marĩpũ ĩgũsãrẽ weredore-dea ããrã. Irasirirã ĩgũsã Marĩpuyarã, Õãgũ dey-omarĩgũ iritamurĩ merã Marĩpuyare were, irire gojanerã ããrĩmã.

## 2

### *Ãrĩkatori merã buerimasãyamarẽ gojadea (Jud 4-13)*

1 Iripoegue Israel bumarã surãyeri: “Marĩpuya kerere weredupiyurimasã ããrã”, ãrĩkatonerã ããrĩmã. ĩgũsã iriderosũta dapagoradere ãrĩkatori merã buerimasã musã puro aarirãkuma. Musãrẽ masĩña marĩrõ diayema ããrĩbirire buerãkuma. Marĩ Opũ Jesucristore ĩgũsã ñerõ iridea waja ĩgũ boari merã wajaribosadire: “Gũa Opũ ããrĩbemi”, ãrĩrãkuma. ĩgũsã irasiriri waja gũñaña marĩrõ Marĩpũ ĩgũsãrẽ peamegue béogũkumi.

2 ĩgũsã ãrĩkatori merã buerire pérã, ĩgũsã ñerĩ haribejari iririre ĩãrã, wãrã musã watopegue ããrĩrã ĩgũsãrẽ ĩãkũĩrãkuma. ĩgũsãrẽ ĩãkũĩmakũ ĩãrã, gajirã musã Jesũre buremurã watopegue ããrĩmerã Jesũyamarẽ ñerõ ãrĩ werenĩrãkuma.

3 Ãrĩkatori merã buerimasã niyerure buro gããmesĩã, musãrẽ ãrĩkatori bueri merã musã ĩgũsãrẽ niyeru sĩmakũ irirãkuma. Iripoegue Marĩpũ

gapu: “Īgūsā irasiriri waja Īgūsārē wajamoāgura”, ārīsiadi āārīmí. Irasirigu Īgū ārīderosūta Īgūsārē peamegue béogukumi.

<sup>4</sup> Irasirigu yu musā masīdeare dupaturi gūñamakū iriduáa. Iripoegue Marīpu Īgūrē wereboerā āārādinerā Īgūsā ñerō irimakū peamegue peresu iribéodi āārīmí. Naītīārōgue kōmedari merā siadobobéodi āārīmí. Āārīpererā ñerārē wajamoārīnu ejamakū, Īgūsā ñerō iridea waja Īgūsārē wajamoāgoragukumi.

<sup>5</sup> Noé āārīdeapoegue marārē Īgūsā ñerō iridea waja Īgūsārē wajamoādi āārīmí. Irasirigu i nikū āārīperero miūgū, Īgūsārē mirīboaperemakū iridi āārīmí. Noé ditare, marāpo, Īgū pūrā ūma urerā, Īgūsā marāposā nomerē taudi āārīmí. Noé masakare: “Diayemarē irika!” ārī weregu āārīdi āārīmí.

<sup>6</sup> Marīpu Sodoma, Gomorra wāikuri makārī marādere wajamoādi āārīmí. Īgūsā ñetariro iriri waja Īgūsāya makārīrē peame merā soebéogu, nitī poga dita dujamakū iridi āārīmí. Puruague gajirā ñerārē wajamoāburire masīburo, ārīgū irasiridi āārīmí.

<sup>7</sup> Iri makārī marārē wajamoāgū, Lot diayema irigu ditare taudi āārīmí. Lot Sodomamu, gajirā Īgūya makā marā Marīpu dorerire irimerā ñerī iririkumakū iāgū, buro gariboredi āārīmí.

<sup>8</sup> Īgū ōāgū, Īgūsā watope āārīgū, ūmariku Īgūsā ñerō iririre iāgū, Īgūsā ñerō werenírīrē pégu, Īgūya yujupūrāgue buro bujawereri merā poyadi āārīmí.

<sup>9</sup> Irasirirā, iripoegue marā waadeare marī masīsīā, idere masīa. Marī Opu Īgūrē gāāmerārē

ñerō tarimakū taumasīmi. Ñerā gapure: “Wajamoāgura”, ārīdeare pídi āārīmí. Irasirigū āārīpererā ñerārē wajamoārīnū ejamakū, ĩgūsārē wajamoāgukumi.

<sup>10</sup> Gajirā ñerā nemorō ñerī uaribejari iririkurārē, ĩgū Opū āārīrērē gāamemerārē wajamoāgukumi. ĩgūsā musārē ārīkatori merā buerā noó gāamerō yáma. “Gajirā nemorō oārō masía”, ārī gūñama. Gūiri marīrō turari oparārē ñerō ārī buridama.

<sup>11</sup> Marīpūre wereboerā gapū ārīkatori merā buerimasā nemorō turarā āārīkererā, Marīpū ĩūrō neō ñerō ārī buridari merā turari oparārē: “Ñerā āārīma”, ārī weresābema.

<sup>12</sup> Ārīkatori merā buerimasā gapū waimurā pémasīmerā iririkurosū noó gāamerō iriduarī ditare yáma. ĩgūsā pémasībirideare ñerō wereníma. Masaka waimurārē ñeā, wējékuma. Ārīkatori merā buerimasā, waimurā irirosū boamurā dita āārīma. Boadero pūgū peamegue béosūrākuma.

<sup>13</sup> Irasirirā gajirārē ñerō tarimakū iriri waja, ñerō tarirākuma. Ūmarī, masaka ĩūrōgue noó gāamerō ĩgūsā ñerī uaribejarire iri, usuyama. Musā merā bosebaarā, ñerō gūyasīūrī iririkurā āārīma.

<sup>14</sup> Nomerē ĩārā, ĩgūsā merā ñerō iridūama. ĩgūsā merā ñerō iririre neō piribema. Marīpūyare gūñaturamerārē ĩgūsā irirosū ñerō iridūamakū yáma. ĩgūsā burō opaduarire: “Āsū irirāra opamurā”, ārī gūñarā āārīma. Irasirirā Marīpū wajamoāsūmurā āārīma.

<sup>15</sup> Diayemarē piri, iripoeguemu Balaam iriderosū ñerō yáma. Balaam, Beor wāikugū magū

ããrĩdi ããrĩmĩ. Īgũ ñerĩ iriri merã niyerure waja-  
tadũagũ ããrĩdi ããrĩmĩ.

16 Īgũ irasiribu maague waamakũ, Īgũyago burra  
ĩgũrẽ turideo ããrĩmó. Marĩpu igore masako  
irirosũ werenĩmakũ iridi ããrĩmĩ. Igo werenĩmakũ  
pégũ, Balaam Īgũ pémasĩbi irirosũ iriboadideare  
pirikõadi ããrĩmĩ.

17 Masaka deko ããrĩrĩ gobegue deko bokarãkoa,  
ãrĩ gũñama. Ārĩkatori merã buerimasã gapũ  
deko ããrĩrĩ gobegue deko marĩrõ irirosũ ããrĩma.  
Īmikãyebori mirũ wějãpuri merã eja, otederogue  
deko merẽrõ marĩrõ tariaro irirosũ neõ masakare  
iritamubema. Irasirigũ Marĩpu: “Īgũsãrẽ ãsũ wa-  
jamoãgura”, ãrĩderosũta gajiro nemorõ naĩtĩãrõgue  
ããrĩnĩmakũ irigũkumi.

18 Ārĩkatori merã buerimasã werenĩrĩ,  
ĩgũsã: “Masĩtarinũgãa”, ãrĩrĩ neõ waja-  
mã. Jesũre bũremunũgãrãrẽ ñerõ iririkũrã iririre  
piriwãgãrãrẽ: “Marĩ noó gããmerõ irimakũ  
õãgorãa”, ãrĩ buema. Irire irasũ ãrĩ buerã, Jesũre  
bũremunũgãrãrẽ ñerõ ɸaribejarire dupaturi  
iridũamakũ yãma.

19 Īgũsãrẽ: “Marĩ noó gããmerõ irimasãa”, ãrĩ  
buema. Irasũ ããrĩkeremakũ, Īgũsã ñerõ ɸaribejari,  
ĩgũsãrẽ ñerõ irimakũ yãa. Ñerõ iririre neõ piri-  
masĩbema. Irasirirã ñerõ iridoregũre moãboerã, Īgũ  
doreri ditare irirã irirosũ ããrĩma.

20 Marĩ Opũ Jesucristore marĩrẽ taugũre  
masĩnũgãrã i ɸmũma ñerĩrẽ pirikõãma. Iri  
ñerĩrẽ piridero pũrũ, dupaturi piriro marĩrõ  
irinemomakũ, ñegorakoa. Īgũsã Jesucristore  
masĩburo dupiyuro Īgũsã ããrĩpũroridero nemorõ

ñerõ dujama.

<sup>21</sup> Ñerĩrẽ irasiririkurãrẽ diayeta Jesucristoyare diayema iririre masĩbirimakũ õãbukuyo. Marĩpũ doreri ãgũsãrẽ ãgũ pídeare masĩdero purũ irire gããmemerã, ñetariro dujama.

<sup>22</sup> Irasirirã dupaturi ñerĩrẽ piriro marĩrõ irinemorã, masaka ãrĩnarõsũ irirã yáma. Æsũ ãrĩnama: “Diayée doka, purũ ãgũ dokadeareta baakumi doja. Irasũ ããrĩmakũ yesede guua, purũ ñerĩ sóoberogue oyakumi doja”, ãrĩma.

### 3

*Marĩ Opũ Jesucristo dupaturi i ãmũgue aariburire gojadea*

<sup>1</sup> Yaará yũ maĩrã, mũsãrẽ su pũ gojasiabu. Yũ iri dupiyurogue gojadea pũ, irasũ ããrĩmakũ i pũ merã mũsãrẽ: “Æsũ irika!” ãrĩrĩrẽ õãrõ gũñamakũ iriduagu yáa.

<sup>2</sup> Iripoegue marã õãrã Marĩpũya kerere weredupiyunerã gojadeare, irasũ ããrĩmakũ marĩ Opũ marĩrẽ taugu dorerire gũñaka! Iri dorerire guã ãgũ buedoregu pínerã mũsãrẽ buebu.

<sup>3</sup> Ire gũñapũrorika! I ãmũ pereburi dupiyuro masaka Marĩpũyare buridarãkuma. Ñerõ uribejarire iririkurãkuma.

<sup>4</sup> Buridari merã: “Cristo: ‘Dupaturi aarigũra’, ãgũ ãrĩdea, ¿naásũ waari? Marĩ ñekũsãmarã boanerã ããrĩmã. Neõgorague i ãmũ ããrĩnũgãdero purũ, ããrĩpereri mũrãrõta ããrĩnikõãa. Irasirigu Cristo neõ aaribirikumi”, ãrĩrãkuma.

<sup>5</sup> I gapũre neõ gũñaduabema. Iripoeguere Marĩpũ i nikũ, ãmũgasire ããrĩmakũ iridi ããrĩmĩ. ãgũ



werenírĩ merã dorederosũta deko ããrĩrõgue nikũ deyoamakũ iridi ããrĩmĩ. Irasũ ããrĩmakũ deko merã i nikũ ããrĩmakũ iridi ããrĩmĩ.

<sup>6</sup> Pũũ deko merãta i nikũrẽ miũdi ããrĩmĩ. Irire miũgũ, i nikũma ããrĩdeare peremakũ iridi ããrĩmĩ.

<sup>7</sup> Dapagorare ĩgũ werenírĩ merã dorerosũta ãmũgasi, i nikũ ããrĩnĩmakũ yámi. Pũũguere ããrĩpererã ñerãrẽ wajamoãrĩũ ejamakũ, i ããrĩpererire peame merã peremakũ irigukumi. Irĩũ ããrĩmakũ, ñerãrẽ peamegue béogukumi ĩgũsãrẽ wajamoãgũ.

<sup>8</sup> Yaará yũ maĩrã, i gapũre gũñaka! Marĩ: “Mil bojori tariri yoataria”, ãrĩ gũñáa. Marĩ Opũ gapũ gũñamakũ, mil bojori tariri, sunũ tariro irirosũ ããrã. Sunũ tariride mil bojori tariri irirosũ ããrã ĩgũrẽ.

<sup>9</sup> Surãyeri masaka marĩ Opũ ĩgũ: “Dupaturi aarigukoa”, ãrĩdeare gũñarã: “Yoobotarimi, aaribiribukumi”, ãrĩ gũñama. ĩgũsã irasũ gũñarĩ diaye ããrĩbea. Masakare bopoñarĩ merã ĩãsĩã, mata aaribirikumi. Neõ sugũ masakũre peamegue waamakũ gããmebemi. ããrĩpererã ĩgũsã ñerõ iririre bũjawere, gũñarĩrẽ gorawayumakũ gããmemi. Irasirigũ aaribemi dapa.

<sup>10</sup> Marĩ Opũ dupaturi i ãmũgue aarirĩũ ããrĩmakũ, yajarimasũ gũñaña marĩrõ yajagũ aarigũ irirosũ gũñaña marĩrõ aarigukumi. ĩgũ aarimakũ, bũro bũsũro merã ãmũgasi pereakõãrokoa. I ãmũma ãjũpereakõãrokoa. Nikũ, irasũ ããrĩmakũ ããrĩpereri i nikũgue ããrĩrĩ ãjũpereakõãrokoa.

<sup>11</sup> Marĩpũ i ããrĩpereri peremakũ iriburire pérã, marĩ ñerõ iririre piri, Marĩpũ gããmerĩ gapũre iriro gããmea marĩrẽ.

12 Marĩ Opu dupaturi i umugue aarirĩnerẽ yúrãta Marĩpu gããmerĩrẽ iriri merã ĩgũ aarimakũ iriyuwarikupurumurã! Irinurẽ umugasima ujupereakõãrokoa. I umugue aarĩrĩ ujũ sebebepereakõãrokoa.

13 Marĩ gapu Marĩpu ĩgũ: “Maama umugasi, maama nikũrẽ irigura”, arĩderosũta ĩgũ iriburire yúa. ĩgũ maama dita iriadero puruguerẽ õãrã diayema irirã dita aarĩrãkuma.

14 Irasirirã musã yu maĩrã, marĩ Opu aariburire yúrãta, buro iriduari merã õãrĩ ditare irika! Irasirimakũ, ĩgũ aarigũ, musãrẽ ĩgũ merã õãrõ siñajãrĩ oparã, Marĩpu iũrõ ñerĩ marĩrã, waja opamerãrẽ bokajagukumi.

15 Musã ire masĩka! Marĩ Opu masakare bopoñarĩ merã ĩãgũ, ĩgũsã peamegue waabirimakũ gããmegũ, mata aaribirikumi. ĩgũsã ñerõ iririre bujawereri merã gũña, ĩgũrẽ buremunugãmakũ yámi. Marĩyagu Pablo marĩ maĩgũ, Marĩpu masĩrĩ sĩrĩ merã ãsũta musãrẽ gojadi aarĩmĩ.

16 Aarĩpereri ĩgũ gojadea pũgue marĩ Opu dupaturi aariburimarẽ gojadi aarĩmĩ. Irire marĩ pémasĩduamakũ diasagorãa marĩrẽ. Marĩpuyare masĩmerã, irasũ aarĩmakũ ĩgũyare gũñaturamerã: “Pablo gojadea ãsũ arĩduaro yáa”, arĩ buerã, keoro buebema. Arĩkatori merã buema. Gaji Marĩpuya werenĩrĩ gojadea pũgue gojadeare buerãde irasũta yáma. Irasiriri waja peamegue béosũrãkuma.

17 Yaarã yu maĩrã, yu musãrẽ arĩkatori merã buerimasã iririre weresiabu. Irasirirã ñerã musãrẽ arĩkatori merã buerire pémasĩka! ĩgũsã Marĩpu dorerire irimerã irirosũ aarĩbirikõãka!

Irasũ ããĩmakũ, musã ĩgũyare gũñaturari merã bũremurĩrẽ neõ piribirikõãka!

<sup>18</sup> Marĩ Opũ Jesucristo marĩrẽ taugũ gapũre, irasũ ããĩmakũ ĩgũ marĩrẽ maĩrĩ gapũre masĩnemoka! Dapagorare, pũrũguedere neõ pĩriro marĩrõ marĩ ĩgũrẽ bũremuníkõãrã! “Õãtaria mũ”, ãrĩrã ĩgũrẽ! Irasũta ãrĩrã!

Iropata ããrã.

Pedro

## **Marĩpuya Kerere Wereri Turi New Testament in Siriano**

copyright © 2009 Wycliffe Bible Translators, Inc.

Language: Siriano

Translation by: Wycliffe Bible Translators, Inc.

### **Copyright Information**

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Siriano

**© 2009, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

---

PDF generated using Haiola and XeLaTeX on 18 Apr 2025 from source files  
dated 29 Jan 2022  
1a0774e8-d152-5929-891b-95e0d2238786